

menjadi musuh kepada puak kebangsaan akan gelak tertawa dan akan merebut peluang itu seberapa dapatnya mungkin mempengaruhi iaitu perkara-perkara yang akan merugi rakyat dan membinaasan negara Indonesia dengan pancasilanya.

Mudah-mudahan Allah memberi keinsafan kepada saudara-saudara kita umat Islam Indonesia supaya mereka tidak terpengaruh atau di pengaruh semata-mata atas maslahat pertubuhan dan puak masing-masing tetapi bersama-sama mengawal maslahat yang satu supaya tidak dapat di pecah-pecah oleh musuh-musuh Islam yang dari satu ke suatu masa siang dan malam bekerja di dalam suatu cita-cita untuk meruntuhkan Islam bahkan mereka tidak senang kepada adanya suatu pertubuhan yang kuat yang ditakuti mereka kesan-kesannya terutamanya setelah mereka nampak bahawa di dalam persatuan umat Islam itulah pengorbanan-pengorbanan telah diberi untuk menyampaikan cita-cita mendirikan kemuliaan Islam di negara Indonesia. Insaflah mereka hendaknya bagaimana ruginya kita di pecah-pecahan oleh penjajahan dahulu itu dan keinsafan itu mudah-mudahan menjadi cermin kepada penganjur-penganjur Indonesia dengan memandangnya sebagai cermin dan panduan yang harus di fikirkan dengan tenang dan sabar untuk maslahat Islam semata-mata.

Umat Islam di luar Indonesia memandang dengan harapan bahawa di Indonesia itulah sahaja tempatnya yang dapat di dirikan sebuah negara Islam yang sebenar-benarnya berjalan dengan cara-cara keselamatannya dengan sebab jika diperhati hanya di Indonesia itulah sahaja boleh di kata semua penganjur-penganjurnya terdiri daripada rakyat jelata, daripada rakyat yang sudah pernah menderita – tidak sebagai di negara yang lain yang memegang tampuk Islam itu yang kebanyakannya terdiri daripada hartawan-hartawan dan bangsawan yang perhubungannya dengan rakyat jelata sangat jauh dan terpisah dan sebab itulah perpecahan-perpecahan itu telah menghamparkan hati umat Islam di luar Indonesia oleh kerana pengharapan itu akan menjadi hampa dan binasa. Inilah sebab-sebabnya menurut pendangan kita berita-berita tentang perpecahan itu walaupun

di dalam perkara hal ehwal di dalam Indonesia tetapi orang-orang Islam dari luar memandang perpecahan itu akan merugikan kepada mereka sendiri terutamanya kepada tujuan-tujuan Islam pada masa yang akan datang adanya.

* * *

PERTUBUHAN ISLAM

Bagi tiap-tiap orang Islam tentu telah berasa sukacita dan gembira menatap berita atas langkah-langkah menubuhkan seluruh pertubuhan Islam di Selangor yang di dalam cita-citanya dapat diperhati daripada siaran penajanya yang di siarkan di lain muka dalam keluaran ini.

Tentang nama tidaklah menjadi suatu sebab diperbincangkan sebegini panjang tetapi cita-cita dan tujuan melaksanakan adalah patut di puji langkah menubuhkan ini menurut pengetahuan kita adalah mengikut kaedah kilat oleh kerana kita dapat tahu bahawa penajanya yang utama, Al-Fatih Akhir, menjalankan tujuan-tujuan itu di mulainya kalau kita tidak khilaf pada awal januari 1952 ini dengan lebih dahulu mengadakan langkah-langkah kafriah-kafriah masjid di seluruh Selangor yang daripadanya kita percaya terbitlah cita-cita ini dengan tidak baik bercakap dengan tidak di heboh-hebohkan tentang cita-cita itu, tetapi dengan serta merta telah terdiri ini adalah suatu langkah yang patut di sambut dan di sokong oleh tiap-tiap seorang kita oleh kerana jika sekiranya langkah yang sebegini mulia dan tulus ikhlas tidak disokong dan di sambut maka sudah tetap kedudukan Islam akan runtuh dan binasa.

Cita-cita untuk mengadakan pertubuhan seperti ini di dalam daerah-daerah lain sebenarnya menurut apa yang kita telah ketahui telah berjalan bertahun-tahun lamanya tetapi cita-cita itu tinggal cita-cita tua dan tidak tumbuh – hanya menjadi buah percakapan dari satu ke suatu masa dengan masing-masing itu berasa bimbang terutamanya atas kedudukan-kedudukannya; dan dengan kerana itu adalah sentiasa menjadi alasan

kepada mereka menghalusi lebih dahulu segala langkah-langkah yang akan dijalankan oleh mereka kemudiannya.

Tetapi di sebalik itu mereka itu merupakan bahawa sebagai kapal terbang derasnya rancangan-rancangan di jalankan di dalam negeri ini yang dari satu ke suatu masa mengikat dengan teguhnya hak-hak Islam di negeri ini yang kemudiannya nanti akan pupus jika sekiranya tidak di jaga yang cara-caranya sudah nampak dengan terangnya di hadapan mata kita bagaimana di dalam masa yang tidak jauh lagi harus hak-hak beragama di negeri ini akan pupus daripada kita oleh kerana sebagaimana yang dikatakan oleh Al-Fatih Akhir langkah-langkah yang dijalankan pada masa sekarang di Tanah Melayu adalah bertujuan menginggeriskan negeri ini – yang kesannya sudah nyata bahawa apabila negeri ini telah menjadi Inggeris agama Islam akan kucar kacir dan tidak ada pengawalnya lagi sebagaimana adanya di Singapura sehingga tuan kadi boleh mencerai dan menikahkan isteri orang dengan tidak ada satu undang-undang atau satu kuat kuasa yang menyiasat atau menghalusi perkara ini.

Di dalam perkara-perkara untuk mendirikan hak dan kemuliaan agama Allah itu hendaklah tiap-tiap seorang itu menjalankan dengan suatu ikhtiar dan perundingan yang baik dengan cita-cita yang baik kemudian janganlah mereka ragu-ragu atau waham di atas natijahnya kerana natijah itu bukan tanggungannya atau bukan kuasanya yang menentukan tetapi yang menentukan itu ialah Allah yang menyuruh kita dari satu ke suatu masa berjihad dengan harta dan diri kita kepada jalan Allah dengan tidak memandang kiri dan kanan kerana kita mengetahui bahawa sesiapa yang menolong agama Allah, Allah akan menolong mereka itu- imankanlah yang demikian itu di dalam hati kita untuk memuliakan dan meninggikan agama Allah yang hari ini telah menerima ugutan menerima ancaman bukan sahaja daripada orang lain tetapi oleh orang kita yang menamakan dirinya Islam yang mabuk kebangsaan dan ada pula yang telah melehad tetapi mereka tatkala berkahwin mengaku sebagai seorang Islam..

Kita wajib mengasaskan segala cita-cita kita itu kepada perintah Allah yang maksudnya : bermesyuaratlah kamu di atas sesuatu perkara dan apabila kamu telah dapat kata sepakat maka bertawakkallah kamu kepada Allah (menjalankannya). Kalau sekiranya orang-orang yang telah berazam masih berkata-kata masih bimbang dan waham di dalam masa ada tujuan-tujuan untuk menghapuskan segala hak-hak dan kebebasan kita di negeri ini maka tak dapat tidak orang itu nanti kerana terlampaup banyak fikir akan menjadi sasaran tempelak anak cucu kita pada masa akan datang iaitu selain daripada menerima kemurkaan Allah atas kecuaian dan kelengahan mereka itu.

Oleh yang demikian kita berharap langkah yang di jalankan oleh Al-Fatih Akhir itu akan segera diikut oleh lain-lain negeri di dalam Persekutuan Tanah Melayu yang kemudiannya apabila telah tertubuh atau ditubuhkan maka dapatlah ia diikat menjadi satu dan pada masa itu tak dapat tiada apa jua perkara-perkara yang kita tuntut untuk faedah agama kita sama ada dalam mesyuarat negeri atau luar daripadanya akan kita dapat dan pada masa itu dapatlah kita memilih dan mengetahui siapa daripada orang-orang kita yang telah menjadi tapak orang-orang kita yang telah menjadi perkakas orang lain untuk meruntuhkan agama kita dan kemuliaan serta hak-hak kita di dalam negeri kita sendiri yang sedang cuba diperendahkan bahkan sedang dilanggar oleh mereka yang bertopengkan agama kita.

Pendek kata adalah kita sefaham dengan perkataan Al-Fatih Akhir penaja pertubuhan Islam di Selangor itu yang telah berkata kepada wakil kita bahawa orang Melayu tidak akan dapat diselamatkan di dalam negerinya melainkan dengan adanya pertubuhan agama yang cergas untuk mempertahankannya. Dengan agama itulah kita akan mulia pada mata dunia dan di sisi Allah. Dengan agama Islam itulah kita akan mendapat kebahagiaan dunia dan akhirat. Dengan itu mudah-mudahan Allah memberi taufik dan hidayah membuka hati orang-orang kita suka berjihad kepada jalan Allah untuk mendirikan agama Allah dan menyampaikan kemuliaannya menjadikan kita khalifah di bumi Allah ini adanya.